


www.BibleForChildren.org

Matius 1



Elisabet ranakea raena embae kaujentabo to, umba Amisye po apa naito Gabriel atutir ti poroto no munijo Nasaret, omi no no Galilea. Poroto no wanya mansae inta ama tame mirati Maria, omi ama vainye rave irati Yusup ai, opamo avaki no Daud apa susye rai.



Umba naito Amisye umawe po raura nanto rai pare, "Maria, vemo njaniv inya. Amisye po napatimu indamu Po kove raugaje nai. Indati winanakea raen umba ntuna irati arikainyo anya inta autan, nyo Apa tame veano awainamo Yesus. Sopamo vatano pakoeve, Apa tame rawainamo Arikainyo Amisyo Titi Rave. Amisye po aijaseo be akarijo titive mamaisyo Apa aneno wusyin Daud

amaisy. Indati be akarive Apa kawasaeyo Israel mansaija nuge nuganui."



Umba Maria mo raura nanto naito
Amisye umaso ai mare, "Ibe tai
ruimai dati ana nyo raura wato
mamaisy? Weye risyamo
syantukamo anya inta ai
rainy weye ta ino
mansaevea nene."



Naito Amisy umaso po raura akananto
Maria rai pare, "Indati Anawayo
Vambunine maje nai muno
Amisyo Titi Rave apa
vambunine no nautan indamu
wimbe nanakeave. Weti
indati vatane wo nya
arikainye so aura
ware, 'Opamo
Arikainyo Amisye
pije, anuga
ngkakavimbe.'"



Masyote inta yai jakato, umba Maria nto no munije inta rai no Yudea, ama varoro unate inta rai. Umba moronto nsiso no Zakaria apa yavar, mo kove raura nanto Elisabet rai.



Arono Elisabet mo Maria ama ayao ranaun,
umba arikainyo no no ranobone aansunuve,
umba Anawayo Vambunine mo vambunine
raugaje Elisabet rai, ti
mayao akoeve mare,
"Wanya wanui rave no
mine vone so, weramu
winyirati Amisye po
napatimu indamu Po
apa kove raugaje nai.
Muno Po apa kove
raugaje arikainyo no
no nanobone Ai tavon."



Yesus Kristus ano raije maisyare so:
Maria, omamo Yesus Kristus
apa akoya mije, ama vainye
raveo Yusup ai. Weramu
yana ibaunam dainy, Maria
mbe ranakeave, weye
Amisye po apa
Anawayo Vambunine
raugaje Maria rai
indamu mbe ranakeave.



Yusup, ama anap, opamo tavondi
Ananyao Musa rai mavabe,
weti pare po rauguje aora.
Weramu pare po rauguje
maninimbe indamu vemo
vatane wo raen ti
Maria nsamane nora.



Yusup po anakotare umaso ratantona no anuga, arono
naije nikimarive, po naito Amisye inta aeno de aiji.
Umba naito Amisye umaso po raura pare,
"Yusup, Daud apa ajavijo winy, vemo
njanivo nyo Maria raovani nora! Weye
Amisye po Anawayo Vambunine raugaje
rai indamu mbe ranakeave."



"Indati mo arikainye inta avaki, umba nyo Apa tame veano awainamo Yesus, weye indati Po apa kawasae mapaya awa ayao kakaije rai." Yusup nikija seo, umba beto naito Amisy apa ayao uma po raura we rai. Weti umba po Maria rauga ti po raovan, weramu nikijo rarijate ramu ava ntuna ama arikainyo anya autan. Umba Yusup po Apa tame veano awainamo Yesus.



Arono naije Akarijo Titi Roma apa tame mi Augustus po apa ayao rauguje indamu po vatano mine so awa wanuije rator. Weti vatan tenambe wuruta no awa munije rai janyi, indamu awa tame ratoe tetebe.



Weti Yusup puje no munijo Nasaret no no propinsijo Galilea, to no Betlehem no no propinsijo Yudea, omamo aneno Daud apa munije miye, weye Yusup pamo avaki no Daud apa susye rai.



Yusup to no Betlehem indamu pemerinta po apa
tame ratoe. Muno Maria ntavondi,
wemirati ama vainye rave
Yusup ai. Omamo mbe
ranakeave to.



Yare syisya no yavaro
vatano marane udea
unaki raive inta rai,
weramu yavare umawe
ngkatutundijo vatane
mai to. Weti yurija
nyaki yavaro maero
makume usai



daije bo rai.



Umbawe Maria ntuna kobe ama arikainyo anya
manasyine umaso autan. Mo ansune vasye
veano atavan, umba mo augasyo
nikijo ugano veano maere awa
anaisye raveaje
rai je ama
uga rai.



Namano napije vatano wo domba maeranande inta una
no anoko insumaije ntami rai, mararaijo munijo
Betlehem umawe rai. Naije kobe
naito Amisye inta paje

anasine
rarorono
mai, muno
Amisye apa
varo ngkove

mbaro mai
tenambe, ti ujani
dave.



Umba naito Amisye umaso po raura nanto mai pare,
"Vemo wajaniv inya. Namane so ide wasai indamu syo
ayao kove so raura wasai. Ayao kove
so indati mo anayanambe

raugavo
vatan
tenambe
mansai.
Namane

soamo arikainye
inta ano no Daud
apa munijo
Betlehem."



"Arikainye sopamo Mesias, wapa Akarijo Titi piye,
wepirati Amisye po atutir indamu Po vatane mapaya
ayao kakaije rai. Syo raura wusyimbe
wasai, inda wata wananta

arika
inye
umaso Ai:
Indati wapo
aen atavano
ansune vasye

rai, muno augasyo
nikijo ugoro veano
maere awa anaisye
raveaje raije ama uga rai."



Umba naije kobe naito Amisy wanui rave waje utavono
naite umawe ai, umba wo raura ware:
"Amisye ararimbe, Opi no no munijo
ntiti!"



"Po kovo saumane raugaje mine vone so rai,
nde vatano are nawirati Amisye
anayanambe maije mai."



Umba naito Amisye wuje wakata no munijo ntiti, naije vatano wo domba maeranande umawe wo raura vambinibe mansai ware, "Wade ra wanta no Betlehem inda wamo ana uma Amisye po raura wansaije we raen."




Wavave wuruta, umba unanta Maria me Yusupa pe
arikainye umaso pe mai. Wo arikainye umaso aen
nikijo ugano veano maere awa anaisye raveaje raije
ama uga rai. Umba wo anakotaro naito
Amisye po raura maijoe
ravov.



Yesus ano no munijo
Betlehem no no
Yudea, arono
Herodes be akarijo
titive. Arono
naije vatano

majus una no ranijo wanamuram
ude no Yerusalem. Onawamo
vatano wo anainame rakani no
tumo naumo warae.



Ude no Yerusalem
umba wo ranajo
ware, "Rui rati
Akarijo Titi Yahudi
wanyino umba
ano kai?"

Reamo Apa tumo bare aen
no ranijo muram ti reamare
wande ra wamo ararimbe."



Herodes po ayao umaso
ranaun, umba po vatano
majus umawe mawainde
maninimbe. Po manajo
pare, "Nanduija pirati
wapo tume umawe aen?"



Arono wo raura kakavimbe
aija jwen, umba naije
Herodes po matutir pare,
"Wata no Betlehem, wapo
arikainye umaso akani
mavabe. Arono wananta
Aija jwen, wapavave
wapakare rinai, wapo
Apa norije raura
kakavimbe rinai indamu
syoroto ribeaje
Ai tavon."



Herodes po raura mansaija jeben, umba vatano majus
umaso wuje wuruta. Wuruta nava tumo uma wo aeno
manasyimbe seo no wanamuramewe

pui kobe to no no Arikainye
umaso anorijoe ama von.
Usisa no yavare ama uga,
umba wo Arikainye
umaso pe akoyo
Maria me yaen.



Naije ubeaje no Arikainye umaso amun indamu wo ararimbe. Umba wo awa romane rauguje indamu wo raunanto Ai, omamo emasije, kemenyane, muno muri. Ananuge umaso ama mangke nseo rave. Naije Amisye po rarorono mai no awa nikimarije rai indamu vemo wakare no Herodesa nui jinya, yara unajivo unanuijo kaijinta rai jakato.



Vatano majus wuruta kobe,
umba naito Amisye de arorono
Yusup ai no apa nikimarije rai,
pare, "Winseo indamu nyo
Arikainye so pe akoya
me yaugav indamu wanaji
da wata no Mesir.
Herodes pare po
Arikainye so akani
indamu po

aubaisy, ti wata wano no
ratuije yava syo raura
wasai jakato rati."





Weti Yusup nikija seo, po
Arikainye umaso pe akoya me
yaugav, pare, "Namane so
wanaji da wanta no Mesir."
Una no ratuije yava Akarijo
Titi Herodes kakai. Ana
nande umaso mamomama
mamaisyoyayao Amisy
anawae Hosea po raura
we rai pare,



"Amisyepo raura pare,
'Syo sya Arikainye awain
puje no Mesir.' "



Umba Herodes po raenamo
vatano majus umawe wo
aponae to, ti pari rave. Weti
po apa naite matutir indamu
wo arikainyo anya awa tume
rurumara makaje una no
munijo ...



... Betlehem muno ama
varodore mansaubaisy, weye
aemen irati vatano majus awa
ayao wo raura we rai, mare wo
tume umawe aeno tumo
rurumo nandijawe.



Arono Herodes kakai to,
Yusup pamo ta no no Mesirija
nene. Umba naito Amisye
inta de arorono ai jakato
no apa nikimarije rai.



Naito Amisye umaso po raura
pare, "Vatano ubeker ware
wo Arikainye so aubaisye
ugwenen to. Weti winseo,
nyo Arikainye so pe
akoya me yauga da
wapakata no Israel."



Weramu naije akato Yusup
po ranaun Arkelaus,
Herodes apa kavo, po
aja anigwan be akarijo
titive no Yudea.



Weti Yusup janivo
poroto no Yudea raiji. Umba
Amisye po rarorono ai no apa
nikimarije rai jakato indamu wakata no Galilea.



Weti wakata no Galilea rai,
usisa no munije ama
tame mirati Nasaret.
Ana nande umaso
mamo mamaisyo



ayao Amisy anawae
wo raura rai ware, "Indati
vatane wo Mesias aura ware
Opamo vatano Nasaret."



Weye Amisyē muiny irati vatan
tenambe mansai no mine vone so wirati
Po apa Kavo intabo dave aunande
indamu vatano wanave Aiye indati
ukakai awa ayao kakai raiye
jewen, yara awaura irati
kovo nuge nuganuiye
rai.



Roma 3:23 Weye vatan tenambe wo ayao kakai raijaro mansai, weti ugwaravainy irati Amisye ai muno Apa kovo ntiti rai.

Roma 6:23 Ayao kakai ama mano mo raunande mamu wenem. Weramu Amisye apa po raunande mamu kovo nuge nuganui, weye wambe intabove wama Amisy Yesus Kristus ai.

Ibrani 9:27 Amisye po vatane wansapatimu wangkakai mamu intabo kobe. Mewen to, marane mamu Po wansanajo wama ana wandave rai indamu Po ayao mamaisye rapatimugo wansai.



Epesus 2:8,9 Amisye apa kove mbewar ti Po wasapaya wapa ayao kakaije rai arono wapanave Yesus Kristus ai. Wapo taune wasapaya rai jewen, yara Amisye pi po kove umaso raugaje wasai. Weti vemo vatane inta po taune ararimbe nora, weye wapa ana wadaijare muno wapa ana wadave ngkove wemi mbewar Amisye po wasapaya wapa ayao kakaije rai jewen.

Roma 10:9,10 Ranivara nyo Yesus aura kakavimbe nawa rai nyare Opirati Amisy, muno nyanave no no nanuga nyare Amisye po Yesus aijaseo kovakato no wene rai to, wea indati Amisye po napaya nya ayao kakaije ama mangke rai. Weye wamanave Yesus ai no wansanuga rai, weti Amisye pare wamamai no Amune rai. Muno wamanave Ai ti wamo aura kakavimbe wansawa rai, naije Amisye po wansapaya wama ayao kakai ama mangke rai.



Yohanes 3:16,17 Weye Amisye muiny irati vatan tenambe mansai no mine vone so wirati Po apa Kavo intabo dave aunande indamu vatano wanave Aije indati ukakai awa ayao kakai raije jwen, yara awaura irati kovo nuge nuganuije rai. Weye Amisye po apa Kavo atutir de mine so rai indamu Po mangke raugaje vatano mine so mai mammo jwena, yara indamu Po mapaya awa ayao kakaije rai.

1 Yohanes 5:11-13 Apa ayao mi so: Amisye po kovo nuge nuganuije raunande wansai, muno kove umaso ama ruke no no Apa Kavo Yesusa nui. Vatano wo Amisye apa Kavo aen no manuga rai, onawamo awave kovo nuge nuganuije rai. Muno vatano wantatukambe Amisye apa Kavo ai, onawamo awave kovo nuge nuganuije raije ramu. Syo ayaowe so ratoe more irati vatano wapanave irati Arikainyo Amisye ai, syo ratoe indamu wadaen weapamo wapave kovo nuge nuganuije rai.



Matius 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Yawa NT (yva) © 2011, Wycliffe Bible Translators, Inc.
All rights reserved.

www.bible.com/ur/bible/475/MAT.1

©2025 Bible for Children, Inc.

www.M1914.org

www.bibleforchildren.org

